

四庫未收書輯刊編纂委員會編

四庫未收書輯刊

北京出版社

肆輯·拾叁冊

四庫未收書輯刊

四庫未收書輯刊編纂委員會編

北京出版社

肆輯・拾叁冊目錄

歷代通鑑纂要九十二卷・之二〔明〕李東陽等撰

一

〔明〕李東陽等撰

歷代通鑑纂要
十二卷・之二

清光緒二十三年廣雅書局刻本

歷代通鑑纂要卷之五十一

起唐玄宗天寶七載
至肅宗乾元元年

七載以高力士為驃騎大將軍

力士承恩歲久中外畏之太子亦呼之為兄諸王公呼之為翁駙馬輩直謂之爺自李林甫安祿山輩皆因之以取將相然性和謹少過不敢驕橫故天子終親任之士大夫亦不疾惡也初上自東都還李林甫牛仙客知上厭巡幸乃增近道粟賦及和糴以實關中數年蓄積稍豐上謂力士曰朕不出長安近十年天下無事朕欲悉以政事委林甫

歷代通鑑纂要卷五十一

卷五十一

一

何如對曰天子巡狩古之制也且天下大柄不可假人彼威勢既成誰敢復議之者上不悅力士頓首謝罪上意乃解力士自是亦不敢深言天下事矣

胡氏寅曰力士雖曰恭謹然其罪亦大矣力士審能為明皇忠計者密主張九齡而去李林甫佐佑王忠嗣而去安祿山論功較績夫孰與讓既不能然反使安李因己以取將相他日雖有大柄假人擁兵太重之說亦安能回二人已盛之勢哉

以貴妃從兄釗判度支事

丑己

歷代通鑑纂要卷五十一

卷五十一

二

釗善窺上意所愛惡而迎之以聚斂驟遷歲中領十五使恩幸日隆尋賜名國忠貴妃姊三人皆有才色上呼之為姨出入宮掖並承恩澤勢傾天下至是封韓號秦國夫人與鉅錡五家凡有請託府縣承迎峻於制敕四方賂遺惟恐居後上所賜與五家如一競開第舍極其壯麗一堂之費動踰千萬既成見他人有勝己者輒毀而改為號國尤為豪蕩

徐氏昭文曰唐自高宗以後數十年間載羅女禍

明皇以英武之資親定內難何乃昧於近監復蹈

聚麀之恥而天下大亂唐室由是日微矣

八載帝帥羣臣觀左藏賜楊釗金紫

是時州縣殷富倉庫積粟帛動以萬計釗請令糶變為輕貨輸京師屢奏帑藏充牣古今罕儔故上帥羣臣觀之賜釗紫衣金魚上由是視金帛如糞壤賞賜無限

停折衝府上下魚書

先是折衝府皆有木契銅魚朝廷徵發下敕書契魚都督都府參驗皆合然後遣之自募置驍騎府兵日壞死亡不補器械耗散略盡府兵入宿衛者

武備矣

謂之侍官言其為天子侍衛也其後本衛多以假人役使如奴隸長安人羞之至以相詬病也其成邊者又多為邊將苦使利其死而沒其財由是應為府兵者皆逃匿至是無兵可交李林甫遂奏停折衝府上下魚書是後府兵徒有官吏而已曠騎之法天寶以後稍亦變廢應募者皆市井負販無賴子弟未嘗習兵時承平日久議者多謂中國兵可銷於是民間挾兵器者有禁子弟為武官父兄擯斥也不齒猛將精兵皆聚於西北邊中國無

九載以姚思藝為檢校進食使

時諸貴戚競以進食相尚上命宦官姚思藝為檢校進食使水陸珍羞數千盤一盤費中人十家之產

胡氏曰明皇貴為天子而悅人進食使奢靡相驅風俗相煽咸陽之厄尚食不隨饗餽麥飯歉餒而過為後世戒不亦著乎

賜安祿山爵東平郡王

唐將帥封王自此始

得妙寶真符

山人王玄翼上言見玄元皇帝言寶仙洞有妙寶真符命張均等求得之時上尊道教慕長生故所在爭言符瑞李林甫等皆請捨宅為觀以祝聖壽上悅

范氏祖禹曰秦始皇漢武帝皆雄才之主乃為方士所欺玩無異於嬰兒人君惟恭儉寡欲則邪詔無自而入矣其心一有所蔽鮮不為惑也明皇不正其心故小人爭為幻以惑之其神明精爽既奪矣此所以養成大亂也

十載為安祿山起第於親仁坊

命有司為祿山起第但窮壯麗不限財力令中使護作敕之曰胡眼大勿令笑我祿山置酒新第上命宰相赴之曰遣諸楊與之遊宴祿山生日上及貴妃賜予甚厚後三日召入禁中貴妃以錦繡為大襖襖裏之使宮人以綵輿昇之上間問故左右以貴妃洗祿兒對上賜貴妃洗兒金銀錢復厚賜祿山盡歡而罷自是祿山出入宮掖通宵不出頗有醜聲聞於外上亦不疑也

范氏祖禹曰明皇不信其子而寵胡人以為戲至使出入宮禁而不疑褻慢神器亦極矣豈天奪其

明將啟戎狄以亂華歟何其惑之甚也
以安祿山兼河東節度使

戶部郎中吉溫見祿山有寵約爲兄弟祿山數稱
溫才於上會領河東因奏溫爲副使知畱後以大
理司直張通儒爲判官委以軍事林甫與祿山語
每揣知其情先言之祿山驚服每見雖盛冬常汗
霑衣林甫引與坐於中書廳撫以溫言自解披袍
以覆之祿山忻荷言無不盡謂林甫爲十郎既歸
范陽劉駱谷每自長安來必問十郎何言得美言
則喜或但云語安大夫須好檢校卽反手據牀曰
歷代通鑑纂要卷五十一
噫嘻我死矣祿山旣兼領三鎮日益驕恣自以曩
時不拜太子見上春秋高頗內懼又見武備墮弛
有輕中國之心
劍南節度鮮于仲通討南詔蠻敗績制復募兵以擊
之

楊國忠德鮮于仲通薦爲劍南節度使仲通性褊
急失蠻夷心南詔王閣羅鳳忿怒發兵反攻陷雲
南郡仲通將兵八萬討之閣羅鳳遣使謝罪請還
所俘掠城雲南而去仲通不許囚其使進軍至西
洱河與戰大敗士卒死者六萬人仲通僅以身免

辰壬

楊國忠掩其敗狀仍敘其戰功閣羅鳳遂北臣於
吐蕃制募兵擊之人聞雲南多瘴癘莫肯應募楊
國忠遣御史分道捕人枷送軍所於是行者愁怨
父母妻子送之所在哭聲振野
十一載改吏兵刑部爲文武憲部
戶部侍郎京兆尹王鉷伏誅

鉷權寵日盛領二十餘使宅第爲使院文案盈積
吏求署一字累日不得前雖李林甫亦畏避之鉷
弟戶部郎中錡凶險不法錡所善邢綽與龍武萬
騎謀作亂有告之者上以告狀面受鉷使捕之鉷
歷代通鑑纂要卷五十一
意錡在絳所先遣人召之曰晏乃命捕絳帥其
黨格鬪會高力士引禁軍至擊斬絳捕其黨皆擒
之國忠自上鉷必預謀上以鉷任遇深不應同逆
李林甫亦爲之解解上乃命特原錡不問使國忠
諷鉷表請罪之鉷不忍上怒會陳希烈極言鉷大
逆當誅敕希烈與國忠鞠之獄具鉷賜自盡錡杖
死於朝堂有司籍其第舍數日不能徧

李林甫卒

上晚年自恃承平以爲天下無復可憂遂深居禁
中專以聲色自娛悉委政事於林甫林甫媚事左

右迎合上意以固其寵杜絕言路掩蔽聰明以成其姦妬賢嫉能排抑勝己以保其位屢起大獄誅逐貴臣以張其勢自皇太子以下畏之側足凡在相位十九年養成天下之亂上不之寤也

以楊國忠爲右相兼文部尚書

國忠爲人彊辯而輕躁無威儀旣爲相裁決機務果敢不疑公卿以下頤指氣使莫不震懼凡領四十餘使臺省官有時名不爲己用者皆出之

十二載追削李林甫官爵剖其棺

楊國忠說安祿山使阿布思部落降者詣闕誣告

歷代通鑑輯覽

卷五十一

七

李林甫與阿布思謀反上信之下吏按問林甫壻諫議大夫楊齊宣懼爲所累證成之時林甫尚未葬制削官爵子孫皆流嶺南黔中近親及黨與坐貶者五十餘人剖棺抉含珠璣金紫更以小棺如庶人禮葬之

以哥舒翰兼河西節度使

祿山以李林甫狡猾踰已故畏服之及楊國忠爲相視之蔑如也由是有隙國忠屢言祿山有反狀上不聽國忠欲厚結翰與其排安祿山奏以翰兼河西節度賜爵西平郡王是時中國盛彊自安遠

午甲

門西盡唐境凡萬二千里閭閻相望桑麻翳野天下稱富庶者無如隴右翰每遣使人奏常乘白橐駝日馳五百里

帝如華清宮

楊國忠素與虢國夫人通至是往來無度或並轡走馬不施鄣幕道路掩目三夫人從幸華清會於國忠第車馬僕從充溢數坊錦繡珠玉鮮華奪目楊氏五家隊各爲一色衣以相別五家合隊粲若雲錦國忠仍以劔南旌節引於其前

十三載安祿山入朝

歷代通鑑輯覽

卷五十一

八

是時楊國忠言祿山必反且曰陛下試召之必不來上使召之祿山卽至見上泣曰臣本胡人陛下寵擢如此爲國忠所疾臣死無日矣上憐之賞賜巨萬國忠之言不能入矣太子亦言祿山必反上不聽加祿山左僕射祿山奏所部將士討奚契丹等勦效甚多乞超資加賞除將軍者五百餘人中郎將者二千餘人祿山欲反故先以此收眾心也祿山辭歸范陽上解御衣以賜之祿山驚喜恐楊國忠奏留之疾驅出關乘船而下晝夜兼行日數百里自是有言祿山反者上皆縛送之由是人無

敢言者

夏四月朔日食不盡如鉤

胡氏

寅

曰以義言之謫見則食今明皇昏蔽其德

乃食盡之象日食不盡如鉤爲寵楊太真也凡欲非一端而貨色尤甚徇於貨色必疏賢人此昏之所由也遠色賤貨必親賢人此明之所自也成湯不邇聲色不殖貨利故能立賢無方日新其德明皇誠能仰觀於天俯求於己知太陽侵食之咎不在乎它革而正之其變亂爲治易危爲安猶反手耳

歷代通鑑纂要

卷五十一

九

劔南畱後李宓擊南詔敗沒

宓擊南詔閭羅鳳全軍皆沒楊國忠隱其敗更以捷聞益發中國兵討之前後死者幾二十萬人無敢言者

范氏

祖禹

曰壅蔽之爲害深矣明皇信一楊國忠

喪師二十萬而不知其不亡豈不幸哉當是時明皇享國四十餘年自以爲有萬世之安而不知禍亂將發於朝莫由置相非其人也

上嘗謂高力士曰朕今老矣朝事付之宰相邊事付之諸將夫復何憂力士對曰臣聞雲南數喪師

未乙

又邊將擁兵太盛陛下將何以制之臣恐一旦禍發不可復救何謂無憂也上曰卿勿言朕徐思之

范氏

祖禹

曰明皇之言未爲失也其失者任非其

人也誠使相如姚宋將如王忠嗣復何憂哉而以姦猾爲賢良是以禍亂已成而不自知也力士非有深謀遠慮忠義過人蓋朝廷無賢百官失職至於宦者言天下之事亦可以悟矣而曾不之省以及於亂不亦宜哉

陳希烈罷以韋見素同平章事

十四載安祿山請以蕃將代漢將從之

歷代通鑑纂要

卷五十一

十

祿山請以蕃將三十二人代漢將韋見素謂楊國

忠曰祿山久有異志今又有此請其反明矣明日

入見上迎謂曰卿等疑祿山邪見素因極言祿山

反已有迹所請不可許上不悅竟從祿山之請它

日國忠見素言於上曰臣有策可坐消祿山之謀

若除祿山平章事召詣闕以賈循呂知誨楊光翽

切呼外分領范陽平盧河東節度則勢自分矣上從

之已草制而不發更遣中使輔璆琳以珍果賜祿

山潛察其變璆琳受祿山厚賂還盛言祿山無二

心上謂國忠等曰朕推心待之必無異志朕自保

之卿等勿憂也事遂寢

安祿山表請獻馬遣中使諭止之

祿山自歸范陽朝廷每遣使者至皆稱疾不出迎盛陳武備然後見之無復人臣禮楊國忠日夜求祿山反狀祿山子慶宗尚宗女在京師密報祿山祿山愈懼上以其子成昏手詔召祿山觀禮祿山辭疾不至表獻馬三千匹每匹執鞚夫二人遣蕃將二十二人部送河南尹達奚珣疑有變奏請諭祿山以進馬宜俟至冬官自給夫無煩本軍於是上稍寤始有疑祿山之意會輔璆琳受賂事泄上歷代通鑑纂要卷五十一

託以它事撲殺之遣中使馮神威齎手詔諭祿山如珣策祿山踞牀不拜曰馬不獻亦可十月當詣京師尋遣還亦無表

臣等謹按高力士言禍不可救明皇謂卿勿言朕徐思之楊國忠言祿山必反明皇謂卿勿憂朕自保之夫以天下大計出於此輩之口幸其言之偶中而亦不之信況望其有忠言正論出於聽納之下者乎

安祿山反遣封常清如東京募兵以禦之祿山專制三道陰蓄異志殆將十年以上待之厚

欲俟上晏駕然後作亂會楊國忠數以事激之祿山由是決意遽反會有奏事官自京師還祿山詐為敕書示諸將曰有密旨令祿山將兵入朝討楊國忠於是發所部兵及奚契丹凡十五萬反於范陽命賈循守范陽呂知誨守平盧高秀巖守大同大閱誓眾引兵而南時承平久百姓不識兵革河北州縣望風瓦解北京以聞上未之信及聞祿山定反乃召宰相謀之楊國忠揚揚有得色曰今反者獨祿山耳將士皆不欲也不過旬日必傳首詣行在上以為然安西節度使封常清入朝上問以討賊方略常清大言請詣東京募曉勇計日取逆胡之首獻闕下上悅以為范陽平盧節度使乘驛詣東京募兵旬日得六萬人乃斷河陽橋為守禦之備

以郭子儀為朔方節度使

以高仙芝為副元帥統諸軍屯陝

以榮王琬為元帥仙芝副之統諸軍東征出內府錢帛於京師募兵十一萬號曰天武軍旬日而集皆市井子弟也仙芝以五萬人發京師遣宦者邊令誠監其軍屯於陝

胡氏寅曰太宗命將征伐四克未嘗遣中貴人監其軍也武后尙不肯以御史監軍曰自下制上既非令典又何以使人有功立宗寵信宦官於是始遣邊令誠爲監軍基後世無窮之禍上不法貞觀下不及女主何以保其國哉

封常清與賊戰於武牢敗績祿山遂陷東京畱守李愬御史中丞盧弈死之愬直陵切

祿山以田承嗣安忠志張孝忠爲前鋒常清所募兵皆白徒屯武牢以拒賊賊以鐵騎蹂之再戰皆敗祿山陷東京河南尹達奚珣降於祿山

歷代通鑑纂要卷五十一

十三

高仙芝退保潼關河南多陷

封常清帥餘眾至陝調高仙芝曰賊鋒不可當不如引兵先據潼關以拒之仙芝乃趣潼關修完守備祿山使其將崔乾祐屯陝臨汝弘農濟陰濮陽雲中郡皆降於祿山是時朝廷徵兵未至關中恟懼會祿山方謀稱帝畱東京不進故朝廷得爲之備兵亦稍集

東平太守吳王祗起兵討賊

祿山以張通晤爲睢陽太守東略地郡縣官多望風降走惟東平太守嗣吳王祗濟南太守李隨起

兵拒之郡縣之不從賊者皆倚吳王爲名單父尉賈賁帥吏民擊斬通晤有眾二千詔以祗爲靈昌太守河南都知兵馬使

制太子監國

上議親征制太子監國調宰相曰朕在位垂五十載去秋已欲傳位太子值水旱相仍不欲以餘災遺子孫不意逆胡橫發朕當親征且使之監國事平之日朕將高枕無爲矣楊國忠大懼退謂三夫人曰太子素惡吾家若一旦得天下吾與姊妹併命在旦暮矣使說貴妃銜土請命於上事遂寢

歷代通鑑纂要卷五十一

十四

平原太守顏真卿起兵討賊

初真卿知祿山且反因霖雨完城浚濠料丁壯實食廩祿山以其書生易之及反牒真卿將兵防河津真卿遣平原司兵李平問道奏之上始聞河北郡縣皆從賊歎曰二十四郡曾無一人義士邪及平至大喜曰朕不識顏真卿作何狀乃能如是真卿使親客密懷購賊牒詣諸郡由是諸郡多應者召募勇士旬日至萬餘人諭以舉兵討祿山繼以涕泣士皆感憤清池尉賈載鹽山尉穆寧清河尉張澹饒陽太守盧全誠河間司法李奐及李隨各

有眾數千或萬人共推眞卿爲盟主軍事皆稟焉殺高仙芝封常清以哥舒翰爲副元帥

邊令誠數以事干仙芝仙芝不從令誠入奏事遂言常清以賊搖眾而仙芝棄陝地數百里又盜滅糧賜上大怒遣令誠齎敕卽軍中斬仙芝及常清初常清旣敗三遣使奉表陳賊形勢上皆不之見常清乃自馳詣闕至渭南敕削其官爵令還軍自效常清草遺表曰臣死之後望陛下不輕此賊無忘臣言時朝議皆以爲祿山狂悖不日授首故常清云然上以哥舒翰有威名且素與祿山不協召見拜兵馬副元帥將兵二十萬軍於潼關翰病不能治事軍政無所統壹用法嚴而不恤士卒皆懈弛無鬪志

歷代通鑑輯要

卷五十一

十五

胡氏寅曰大盜颺舉國方阡危令誠乃以私意誣奏兩將而殺之明皇又直以國之成敗爲戲而使令誠肆其讒毒以生士卒之怨欲不亡得乎

常山太守顏杲卿起兵討賊河北諸郡皆應之

祿山之至棗城也常山太守顏杲卿力不能拒與長史袁履謙往迎之祿山輒賜杲卿金紫質其子弟使仍守常山又使其將李欽湊將數千人守井

申丙

歷代通鑑輯要

卷五十一

十六

陘口以備西軍杲卿歸途中指其衣謂履謙曰何爲著此乃陰謀起兵討祿山崔安石張通幽等皆預其謀又遣人詣太原尹王承業密與相應會從弟眞卿自平原遣甥盧逖潛告杲卿欲連兵斷祿山歸路以緩其西入之謀杲卿以祿山命召李欽湊使帥眾受犒醉而斬之悉散井陘之眾賊將高邈何千年適至皆擒之命崔安石等徇諸郡云大軍已下井陘朝夕當至先平河北諸郡先至者賞後至者誅於是河北諸郡響應凡十七郡皆歸朝廷兵合二十餘萬其附祿山者唯范陽盧龍密雲漁陽汲鄴六郡而已杲卿又密使人入漁陽招賈循邾城人馬燧說循曰祿山負恩悖逆終歸夷滅公若以范陽歸國傾其根柢此不世之功也循然之猶豫不時發別將牛勣容知之以告祿山祿山召循殺之祿山欲攻潼關至新安聞河北有變還十五載肅宗皇帝至德元載

安祿山僭號

祿山自稱大燕皇帝改元聖武以達奚珣爲侍中張通儒爲中書令高尚嚴莊爲中書侍郎以李隨爲河南節度使許遠爲睢陽太守

賊將史思明陷常山顏杲卿死之復陷九郡進圍饒陽

杲卿使其子泉明獻李欽湊首及何千年高邈於京師張通幽請偕行至太原通幽欲自託於王承業乃教之雷泉明更其表多自爲功毀短杲卿別遣使獻之杲卿起兵纔八日守備未完史思明蔡希德引兵皆至城下杲卿告急於承業承業擁兵不救杲卿晝夜拒戰糧盡矢竭城遂陷賊執杲卿及袁履謙等送洛陽承業使者至京師拜承業羽林大將軍麾下受官爵者以百數徵顏杲卿爲衛

歷代通鑑纂要

卷五十一

七

尉朝命未至而常山已陷矣杲卿至洛陽祿山數之曰我奏汝爲判官不數年超至太守何負於汝杲卿罵曰汝本營州牧羊羯奴天子擢汝爲三道節度使恩幸無比何負於汝而反我世爲唐臣祿位皆唐有雖爲汝所奏豈從汝反邪我爲國討賊恨不斬汝何謂反也臊羯狗何不速殺我祿山大怒并履謙縛而弔之二人比死罵不絕口顏氏死者三十餘人思明旣克常山引兵擊諸郡之不從者於是鄴趙等郡復爲賊守盧全誠獨不從思明等圍之李奐將七千人李暉遣其子祀將八千人

救之皆爲思明所敗

胡氏

寅曰杲卿拒賊河北皆應若賈循事就賊巢

旣傾眞可不逾旬時坐平大慙矣曾未十日反敗於賊是何也明皇保姦棄賢殺戮諫士天固不使得忠義之報也故制治保邦必慎於未然之前若車犇航沈則人力有所不得施矣

以李光弼爲河東節度使光弼入常山執賊將安思義遂與史思明戰大敗之

上命郭子儀罷圍雲中還朔方益發兵進取東京選良將分兵先出井陘以定河北郭子儀薦光弼

歷代通鑑纂要

卷五十一

六

以爲河東節度使光弼將蕃漢步騎萬餘人太原弩手三千人出井陘至常山常山團練兵執安思義出降光弼召思義問計卽移軍入城思明聞常山不守立解饒陽之圍合二萬餘騎直抵城下光弼以五百弩於城上齊發射之賊稍卻乃出弩手千人分爲四隊使其矢發發相繼賊不能當乃退有村民告賊步兵五千自饒陽來至九門南逢壁光弼遣步騎各二千匿旗鼓並音併水潛行遇賊方飯縱兵掩擊殺之無遺

眞源令張巡起兵討賊

先是譙郡太守楊萬石以郡降安祿山逼真源令張巡爲長史使西迎賊巡至真源帥吏民哭於玄元皇帝廟起兵討賊樂從者數千人巡選精兵千人西至雍丘與賈賁合初雍丘令令狐潮以縣降賊引精兵攻雍丘賁出戰敗死巡力戰卻賊因兼領賁眾潮復與賊將李懷仙等四萬餘眾奄至城下眾懼巡曰賊兵精銳有輕我心今出其不意擊之彼必驚潰賊勢小折然後城可守也乃使千人乘城自帥千人分數隊開門突出巡身先士卒直衝賊陳人馬辟易賊遂退明日復進蟻附攻城巡追之獲胡兵二千人而還軍聲大振

歷代通鑑輯覽

卷五十一

九

以李光弼爲河北節度使
加顏真卿河北採訪使真卿擊魏郡拔之

先是清河客李萼年二十餘爲郡人乞師於真卿真卿以兵六千借之送至境執手別因問之萼曰聞朝廷遣程千里將精兵十萬出崞口賊據險拒之不得前今當引兵先擊魏郡執其守將分兵開崞口以出千里之師因討汲鄴以北至於幽陵然

後帥諸同盟合兵十萬南臨孟津分兵循河據守要害制其北走之路計官軍東討者不下二十萬河南義兵西向者亦不減十萬公但當表朝廷堅壁勿戰不過月餘賊必有內潰相圖之變矣真卿曰善命參軍李擇交等將其兵會清河博平兵五千人軍於堂邑祿山所署魏郡太守袁知泰逆戰大敗遂克魏郡軍聲大振

以賀蘭進明爲河北招討使

時北海太守賀蘭進明亦起兵真卿以書召之并力進明將步騎五千度河真卿陳兵逆之相揖哭

歷代通鑑輯覽

卷五十一

三

於馬上哀動行伍進明屯平原城南真卿每事咨之由是軍權稍移於進明真卿不以爲嫌復以堂邑之功讓之進明奏其狀取捨任意敕加進明河北招討使擇交等微進資級清河博平有功者皆不錄進明攻信都郡久之不克參軍第五琦勸進明厚以金帛募勇士乃克之

胡氏真卿曰真卿務下己以濟國事然進明未嘗有

可容之策而以不情與之未嘗預堂邑之戰而以眾人之功歸之不以郭李犄角而進明是讓真卿忠義奮發而功烈不就者蓋始乎此矣

郭子儀李光弼與史思明戰於嘉山大破之復河北十餘郡

先是子儀光弼與思明戰於九門敗之進拔趙郡還常山思明收散卒數萬踵其後子儀選驍騎更挑戰三日賊疲乃退子儀乘之又敗之於沙河祿山復發兵五萬餘人子儀深溝高壘以待之賊來則守去則追之晝則耀兵夜斫其營賊不得休息數日子儀光弼出戰於嘉山大破之斬首四萬級捕虜千餘人思明奔博陵光弼就圍之軍聲大振於是河北十餘郡皆殺賊守將而降漁陽路再絕

歷代通鑑輯要

卷五十一

三

賊往來者多爲官軍所獲賊眾家在漁陽者無不搖心祿山大懼遂議棄洛陽走歸范陽計未決哥舒翰與賊戰於靈寶大敗賊遂入關是時天下以楊國忠召亂莫不切齒王思禮密說哥舒翰使抗表請誅國忠翰曰如此乃翰反非祿山也或說國忠朝廷重兵盡在翰手翰若援旗西指於公豈不危哉國忠大懼募萬人屯灞上令所親杜乾運將之名爲禦賊實備翰也翰恐爲所圖乃表請灞上軍隸潼關召乾運斬之國忠益懼會有告賊將崔乾祐在陝兵皆羸弱無備上遣使趣

翰進兵復陝洛翰奏曰今諸道徵兵尙多未集請且待之郭子儀李光弼亦請引兵北取范陽覆其巢穴賊必內潰潼關大軍惟應固守以弊之不可輕出國忠疑翰謀已言於上續遣中使趣之項背相望翰不得已撫膺慟哭引兵出關遇賊於靈寶西原乾祐先據險官軍大敗翰獨與麾下百餘騎走入關乾祐進攻潼關克之翰至關西驛揭牘收散卒欲復守潼關蕃將火拔歸仁等執以降賊俱送洛陽於是河東華陰馮翊上洛防禦使皆棄郡走

歷代通鑑輯要

卷五十一

三

帝出奔蜀

哥舒翰麾下來告急上不時召見及暮平安火不至上始懼召宰相謀之楊國忠首唱幸蜀之策上然之乃御樓下制云欲親征聞者皆莫之信以崔光遠爲西京畱守邊令誠掌宮闈管鑰既夕命龍武大將軍陳玄禮整比六軍厚賜錢帛選閑殿馬九百餘匹黎明上獨與貴妃姊妹皇子妃主皇孫及親近宦官宮人出延秋門妃主皇孫之在外者皆委之而去

上過左藏國忠請焚之上曰賊來無所得必更斂

於百姓不如與之無重困赤子是曰百官猶入朝門既啟則宮人亂出中外坎擾不知上所之四出逃匿光遠遣其子東見祿山令誠亦以管鑰獻之上既過便橋楊國忠即使人焚橋上曰人各避賊求生奈何絕其路畱高力士撲滅之至咸陽望賢宮日向中上猶未食民獻糲飯雜以麥豆皇孫輩爭以手掬食之須臾而盡

范氏祖禹曰上下之等以勢相扶而已天子以一

身寄天下之上合而從之則為君離而去之則為匹夫明皇享國幾五十年一旦失國出奔不四十

歷代通鑑輯要

卷五十一

三

里而已無食天子之貴四海之富其可恃乎

有父老郭從謹進言曰祿山包藏禍心固非一日有告其謀者陛下往往誅之使得逞其姦逆致陛下播越是以先王務延訪忠良以廣聰明蓋為此也臣猶記宋璟為相數進直言天下賴以安自頃以來在廷之臣以言為諱闕門之外陛下皆不得知草野之臣必知有今日久矣但九重嚴邃區區之心無路上達事不至此臣何由得睹陛下之面而訴之乎上曰朕之不明悔無所及慰諭而遣之命軍士散詣村落求食夜將半乃至金城縣縣民

皆走驛中無燈人相枕藉而寢貴賤無以復辨范氏祖禹曰天寶之亂田夫野人皆能知之而其君不得聞豈不哀哉夫壅蔽之禍至白刃流矢交於前六親不能相保而始覺也不亦晚乎

次於馬嵬楊國忠及貴妃楊氏伏誅

明日至馬嵬驛將士饑疲皆憤怒陳玄禮以禍由楊國忠欲誅之因李輔國以告太子未決會吐蕃使者二十餘人遮國忠馬訴以無食軍士呼曰國忠與胡虜謀反追殺之以槍揭其首於驛門外并殺韓國秦國夫人上聞諠譁出門慰勞令收隊軍

歷代通鑑輯要

卷五十一

三

士不應上使高力士問之玄禮對曰國忠謀反貴妃不宜供奉願陛下割恩正法上曰朕當自處之入門倚杖傾首而立久之京兆司錄韋諤見素之子也前言曰今眾怒難犯安危在晷刻願陛下速決因叩頭流血上曰貴妃常居深宮安知國忠反謀高力士曰貴妃誠無罪然將士已殺國忠而貴妃在陛下左右豈敢自安願陛下審思之將士安則陛下安矣上乃命力士引貴妃於佛堂縊殺之與尸真驛庭召玄禮等入觀之玄禮等皆免胄釋甲頓首謝罪軍士皆呼萬歲於是始整部伍為行

計國忠妻子及虢國夫人走陳倉縣令薛景仙誅之

發馬嵬太子東討賊

明日將發馬嵬朝臣惟韋見素一人乃以韋諤爲御史中丞充置頓使將士皆曰國忠將吏皆在蜀不可往諤曰不如且至扶風徐圖去就眾以爲然上乃從之父老遮道請留上命太子宣慰之父老曰至尊旣不肯留某等願帥子弟從殿下東破賊取長安若殿下與至尊皆入蜀使中原百姓誰爲之主須臾聚至數千人太子不可涕泣跋馬欲西

歷代通鑑輯要

卷五十一

三

建寧王倓與李輔國執鞬諫曰逆胡犯關四海分崩不因人情何以興復殿下不如收西北邊之兵召郭李於河北與之併力東討逆賊克復二京削平四海掃除宮禁以迎至尊豈非孝之大者何必區區溫清爲兒女之戀乎廣平王俶亦勸太子留父老共擁太子馬不得行太子乃使俶馳白上上曰天也命分後軍二千人及飛龍殿馬從太子諭之曰太子仁孝可奉宗廟汝曹善輔佐之又使諭太子曰汝勉之勿以吾爲念西北諸胡吾撫之素厚汝必得其用且宣旨欲傳位太子太子不受俶

倓皆太子之子也

帝至扶風

上至扶風士卒流言不遜陳玄禮不能制會成都貢春綵十餘萬匹至上命陳之於庭召將士諭之曰朕衰耄託任失人致逆胡亂常須遠避其鋒卿等倉猝從朕不得別父母妻子跋涉至此勞苦至矣朕甚愧之蜀路阻長郡縣徧小人馬眾多或不能供今聽卿等各還家朕獨與子孫中官前行入蜀亦足自達今日與卿等訣別可共分此綵以備資糧若歸見父母及長安父老爲朕致意各好自愛也因泣下沾襟眾皆哭曰臣等死生從陛下不敢有貳上良久曰去留聽卿自是流言始息

歷代通鑑輯要

卷五十一

三

太子至平涼

太子旣留未知所適建寧王倓曰殿下昔嘗爲朔方節度大使將吏歲時致啟倓略識其姓名今河西隴右之眾皆敗降賊父兄子弟多在賊中或生異圖朔方道近土馬全盛裴冕衣冠名族必無貳心速往就之此上策也眾皆曰善通夜馳三百餘里至彭原太守李遵出迎獻衣及糗糧遂至平涼閱監牧馬得數萬匹又募士得五百餘人軍勢稍